

易

林

註

易林卷第三

三三 蹇上小 畜

白鳥啣餌鳴呼其子
斡枝張翅來從
其母伯仲叔季尤賀舉手

無註

之乾

東過虎地牛馬奔驚道絕不通南困

無功

無註

坤

子鉏執麟春秋作元陰將以終尼父
悲心

左傳哀公十四年春西狩於大野
叔孫氏之車子鉏商獲麟孔子作
春秋

屯

取火泉源釣魴山巔魚不可得火不

可燃

無註

蒙

機關不便不能出言精誠不通爲人所寃

無註

需

故室舊廬稍弊且除不如新巢可治

樂居

無註

訟

蝼蚘循流東求大魚預且舉網庖人

哥謳

無註

師

鑿金山通道南至嘉國周公祝祖襄適
荆楚

春秋魯昭公將往楚子服惠伯曰
先君未嘗適楚故周公祖以道之
襄公適楚而祖以道君不行何之

比

鵠近卻縮不見頭目日以困急不能
自復

無註

履

五舌啄難各自有言異國殊俗使心
迷惑所求不得

無註

泰

天門開闢牢戶窳廓桎梏解脫拘囚

縱釋

無註

否

堅冰黃鳥當哀悲愁數驚執鳥鳥雛爲

我憂

無註

同人

日走月步趨不同舍夫妻反目主君

失居

易小畜卦輿脫輹夫妻反目

大有

金牙鐵齒西王母子無有患殃扶舍
涉道到來不久

王母神仙以東華至真之氣化生

謙

拭牧拭牧憂禍相半隔以巖山室家
分散

無註

豫

衆神聚集相與議語南國虛亂百姓
勞苦興師征伐更立賢主

虛當作虐

隨

狼虎爭食禮義不行兼吞其國齊魯

無主

蠱

春秋自齊桓晉文失霸中國無主

寄生無根如過浮雲立本不固斯須
落去更爲枯樹

無註

臨

子啼索哺母行求食反見空巢長息

訾弋

無註

觀

駕駟逐狐輪挂荆棘車不結轍公子
無得

無註

噬嗑

方喙廣口仁智聖厚釋解倒懸唐國
大安

按節之睽方啄宣口此卦作方喙
廣口義通唐國即陶唐

賁

駕福乘喜來至家國戴慶南行離我
安居

無註

剝

孔鯉伯魚北至高奴乘馬金車駕遊

大都王母送我來牝字駒

高奴漢上郡

復

三足無頭不知所之心狂精傷莫使
爲明不見日光

未詳

無妄

獯牝龍身刃取三千南止蒼梧與福

卷三
七
爲婚道里夷易安全無患

詩定之方中駉牝三千蒼梧地名

大畜

辰次降婁王駕巡時廣祐施惠安國
無憂

降婁宿名戍分

頤

望幸不到文章未就王子逐走馬騎

銜傷朕迹不得曷其有常

無註

大過

中原有菽以待糴食食飲御諸友所求

大得

無註

坎

亂茅縮酒靈巫拜禱神怒不許瘁愁

憂苦

楚有三脊茅祭則用以縮酒也

离

李花再實鴻夕降集仁哲以興廕國
受福

無註

咸

源出陵足行於山趾不爲暴害民得

安處

無註

恒

客入其門奔走東西童女不織士弃
耕畝暴骨千里歲寒無年

無註

遯

天之所子福祿常在永康寧不憂

危殆

無註

大壯

蝗食我稻驅不可去實穗無有但見
空藁

蝗虫屬腹下有梵字魚子在水化
成食苗之虫也

晉

牛驥同堂郭氏已亡國破空虛君奔
走逃

按胡傳莊公二十四年齊桓公問
郭父老曰郭何以亡父老曰見善
而不能舉惡惡而不能去所以亡

明夷

狗無前足陰謀其北爲身害賊何以
安息

無註

家人

兩輪自轉南上大阪四馬共轅無有
屯難與禹笑言鶴鳴竅穴不離其室
禹夏禹竅苦弔切

睽

牙孽生達陽昌於外左手執籥公言

錫爵

詩云左手執籥右手秉翟赫如渥
赭公言錫爵按詩傳籥如笛而六
孔或三孔翟雉羽也執籥秉翟者
文舞也公言錫爵即儀禮燕飲而
獻工之禮也

蹇

秋華冬萼數被嚴霜甲兵當庭萬物
不生雄犬夜鳴民擾大驚

無註

解

霜降閉戶蟄虫隱處不見日月與死
爲伍

無註

損

身載百里功如四海爲文開基武立
大柱

文王以百里之國脩德行仁至武
王遂有天下

益

禹作神鼎伯益銜指斧斤高閣懂位
獨坐賣庸不讎苦困為禍

禹分九州收天下美銅鑄為九鼎
以象九州伯益舜之虞官禹嘗薦
益於天後益避位箕山天下之人

不歸益而歸啓

夫

福祚之家喜至憂除如風兼雨出車
入魚 又云 如魚逢水長樂受喜

無註

姤

倉龍隱伏麟鳳遠匿冠履同處未得
安息

無註

萃

旦生夕死名曰嬰鬼不可得視

無註

升

白鶴銜珠夜食爲明懷安德音身受

光榮

搜神記云有鶴爲人所射窮而

卷三 十三
歸噲參參收養療治瘡愈而放之
後鶴夜到門外參執燭視之鶴雌
雄雙至各銜明珠以報參焉

困

役行未已新事復起姬姜勞苦不得
休息

無註

井

憂患解除喜至慶來坐立懽忻與樂
為隣

無註

革

晨風之翰大舉就温昧過我邑羿無
所得

晨風鷗也詩駘彼晨風昧暗也羿
古之善射者

鼎

下田稷黍方華生齒大雨集降紛滂

滿甕

無註

震

君子碌碌鳥庇茂木見春百穀心勞

願德

無註

良

折臂踈足不能進酒祠祀曠開神怒
不喜

無註

漸

學靈三年聖且神明光見喜祥吉喜
福慶鳩鳩飛來告我無憂

無註

歸妹

三婦同夫忽不相思心懷不平志常

愁悲

無註

豐

中田膏黍以享王母受福千億所求
大得

王母神仙以東華至真之氣化生

旅

陽火不炎喜至慶來降福送喜鼓琴
歌謳

無註

巽

陽明不息君無恩德伯氏失利農喪
其力

無註

允

鷺雀銜茅以生孚乳兄弟六人姣好
悌孝各得其願和悅相樂

無註

渙

鷄尾奔奔火中成軍號叔出奔下失
其君

僖公五年童謠云鷄之賁賁天策

焯焯火中成軍號公其奔冬十二
月虞伐號號公醜奔京師

節

兩人相距止不同舍夫妻離散衛侯
失居

春秋成公十四年夏四月己未衛
侯出奔齊註諸侯之策書孫甯逐
衛侯春秋以其自取奔亡之禍故

不書逐君之賊也

中孚

魁為番虎風推雲卻欲上不得反歸
其宅

無註

小過

關雎淑女配我君子少妻在門君子
嘉喜

周南關雎后妃之德也關關雎鳩
在河之洲窈窕淑女君子好逑

既濟

慈母赤子饗賜得士襄夷服除以安

王家

無註

未濟

三足孤鳥靈鳴督郵伺過討惡自賊

其家

漢天文志日中有三足鳥

☰
乾上履

十鳥俱飛羿得九雌雄雖得全且驚

不危

堯時十日並出草木焦枯命羿射其九日九鳥皆死墮其羽翼留其

一日

之乾

東嚮藩垣相與笑言子般執鞭圍人
作患

魯莊公三十二年雩講于梁氏女
公子觀之圍人犖自牆外與之戲
子般怒使鞭之公曰不如殺之是
不可鞭犖有力焉能投盖于稷門
十月圍人犖賊子般于黨氏

坤

循河摘舟旁淮東游漁父舉網先得

大鱖

無註

屯

轅折輪破馬倚僕卧後旅先宿右足

跌踣

無註

蒙

兩人相絆相與悖戾心不同爭訟
愴然

無註

需

北辰紫宮衣冠立中含和建德常受
天福

北辰北極天之樞也紫宮爲皇極

之居出漢天文志

訟

遊居石門祿身安全受福西鄰歸飲

玉泉

無註

師

羊腸九縈相推併前止須王孫乃能

上天

羊腸山名其形屈辟如羊腸

比

爭訟相倍和氣不處陰陽俱否穀風
母子

無註

小畜

郭叔距頤為棘所拘龍額重顙禍不
成殃復歸其鄉

未詳

泰

薑室蜂戶螫我手足不得進止為吾

害咎

薑丑邁切螫音釋

否

怒非其怨因拘有遷貪垢腐鼠而呼

鴉鳶失反被困

無註

同人

嬰孩求乳母歸其子黃麕悅喜自樂
甘餌

麕五兮切鹿子也

大有

鍼縷勝服錦繡不成鷹逐雉兔爪折
不得

無註

謙

雨潦集降河梁不通鄒魯閉塞破費
市空

鄒魯二國名

豫

封豕溝瀆水潦空谷客止舍宿泥塗
至腹處無黍稷

無註

隨

三姦相擾桀跖爲交上下騷離隔絕

天道

桀夏桀跖盜跖

蟲皿

齊景惑疑爲孺子牛嫡庶不明賊孽
爲患

按春秋傳孺子名荼齊景公妾鸛
如所生景公嘗銜繩爲牛使荼牽
之故曰爲孺子牛哀公五年景公
疾使國惠子高昭子立荼寘群公
子於萊六年僖子使召公子陽生
遂殺荼

臨

三羊俱亡走奔南行會暮失迹不知

所藏

無註

觀

請伯行賈代山之野夜歷險阻不逢

危殆利如澆酒

無註

噬嗑

葉之將落墮其黃葉失勢傾側而無

所立

葉當作桑詩桑之落矣其黃而隕

賁

上山求魚入水捕狸市非其歸自令

久留

無註

剥

名成德就項領不試景公老至老尼父

逝去

論語齊景公欲用孔子孔子曰吾
老矣不能用也孔子行

復

天之奧隅堯舜所居以存保身爲我

國家

堯舜唐虞二帝也

無妄

睢鳩淑女賢聖配偶宜家壽福吉慶
長久

關雎詩云關關雎鳩在河之洲窈窕淑女君子好逑言周文王生有聖德又得聖女妣氏以爲之配

大畜

兩人俱爭莫能有定心乖不同訟言起凶

無註

頤

涉伯徇名弃禮誅身不得其道成子
奔燕

曾定公九年晉趙鞅圍衛討衛之
叛曰由涉佗成何遂殺涉佗成何
奔燕君子曰此之謂弃禮詩曰人
而無禮胡不遄死涉佗然矣哉

大過

踰江求橘并得大栗烹羊食肉飲酒
歌笑

無註

坎

山險難升澗中多石車馳轉擊手重傷
載軸擔負善躓跌踈右足
轉音遂躓音致踈音渦

离

元利孔福神所子畜般樂無苦得其
歡欲

無註

咸

烏鵲食穀張口受哺蒙被恩福長大
成就柔順利貞君臣合好

無註

恒

潼滷蔚蒼膚寸來會津液下降流潦

滂沛

滷上聲蒼音穢

遯

路多枳棘步刺我足不利旅客爲心
作毒

無註

大壯

虺蝮所聚難以居處毒螫痛甚瘡不可愈

虺音卉螫音釋

晉曰

麟鳳相隨觀察安危東郭聖人后稷
周公共和政令君子攸同利以居止
長无憂凶

麟仁獸鳳靈鳥能知安危故世治
則出周自后稷始封於邵積功累
仁至於周公制禮作樂以成文武
之烈

明夷

築亂不時使民恨憂立趾爲笑君危
臣騷

無註

家人

黃帝所生伏羲之宅兵刃不至利以
居止

大昊伏犧氏黃帝軒轅氏黃帝造
五兵以征不享

睽

雀行求食暮歸屋宿及其室舍安寧
無故

無註

蹇

大倉積穀天下饒食陰陽和調年歲
時熟

無註

解

履機蹈顛墮入寒淵行不能前足踈
不便

無註

損

竿旄旌旗執幟在郊雖有寶珠無路
致之

詩干旄篇云子子干旄在浚之郊
又子子干旌在浚之城

益

銜命上車和合兩家蛾眉皓齒二國

率彊

無註

夬

吉日車攻田弋獲禽宣王飲酒以告

嘉功

吉日車攻皆宣王詩言田獵之事

姤

重伯黃寶宜以我市嫁娶有息利得

過毋

無註

萃

延頸望酒不入我口深以自喜利得

無有

無註

升

牧為代守鄉食食甘賜得吏士意戰大

破胡長安國家

按史李牧爲趙將居代鴈門備匈奴以便宜置吏市租皆輸入幕府爲士卒費日擊數牛饗食士習騎射謹烽火約曰匈奴即入寇急入收保敢有捕虜者斬匈奴每入不戰以爲怯邊士日得賞賜而不用皆願一戰於是大破匈奴十餘歲不

敢近趙邊

困

日出温谷
臨照萬國
高明淑仁
虞夏配德

虞舜有天下之號也
夏禹有天下之號也

井

逐兔索鳥
破我弓車
日暮不及
失利

後時

無註

革

譌言妄語傳相註誤道左失迹不知所處

無註

鼎

履虎躡蛇貶損我威君子失車去其

國家

無註

震

本根不固花葉落去更爲孤嫗不得

相親

無註

艮

五軌四軌優得饒有陳力就列騶虞

喜悅

騶虞獸名白虎黑文不食生物者

漸

黃帝紫雲聖且神明光見福祥告我
无殃

史記黃帝生而神靈長而聰明應
邵曰受命有雲瑞故以雲紀事

歸妹

五利四福俱佃高邑黍稷盛茂多獲
藁稻

無註

豐

群虎入邑求索肉食大人衛守君不
失國

無註

旅

烏子鵲雛嘗與母居顧慕群侶不離
其巢

無註

巽

蹇驢不材駿驥失時筋勞力盡罷於
沙丘

無註

允

玄鬣黑顙東歸高鄉朱鳥道引靈龜
載莊遂抵天門見我貞君

無註

渙

探巢得雛鳩鵲來俱使我音娛

無註

節

安上宜官一日九遷升擢超等牧養

常山君臣獲安

漢車千秋一日九遷其官

中孚

大頭目明戴受嘉福三雀飛來與祿
相得

無註

小過

遠視千里不見黑子離婁之明无益

於光

離婁古之明目者

既濟

三女爲姦俱遊高園倍室夜行與伯
笑言不忍主母失禮酒寃皇天誰告

無註

未濟

日辰不和強弱相振一雌兩雄客勝

主人

無註



乾下坤上

泰

求玉陳國留連東域須我王孫四日

來復主君有德蒙恩受福

無註

之乾

伯夷叔齊貞廉之師以德防患憂禍

不存

伯夷叔齊孤竹君之二子武王伐
紂諫之不食周粟又語云伯夷叔
齊餓於首陽之下民到于今稱之

坤

濟深難渡濡我衣袴五子善擢脫無
他故

無註

屯

倚立相望適得道通驅駕犇馳比目

同床

無註

蒙

葛藟蒙棘花不得實諛佞爲政使恩

壅塞

葛藟詩篇名蒙棘詩葛生篇云葛

生蒙棘歛蔓于域予美亡此誰與
獨息

需

四足無角君子所服南征迷職與福
相得

征者上伐下也諸侯朝王曰迷職

訟

蹀踵之傷左指病癰失旅後時利走

不來

無註

師

春城夏國生長之域可以服食保全

家國

無註

比

望驥不來駒蹇爲憂雨驚我心風撼

我肌

無註

小畜

久客無床思歸我鄉雷雨涌盈道不
得通

涌當作滿易屯卦雷雨之動滿盈

履

舫船備水旁可燃火積善有徵終身

無禍

無註

否

陟岵望母役事未已王政無盥不得
相保

陟岵國風齊詩篇名既云望母岵
當作岵詩云陟彼岵兮瞻望父兮
陟彼岵兮瞻望母兮

同人

多載重負捐棄於野子毋誰子但自
勞苦

無註

大有

生直地乳上皇大喜賜我福祉受命

無極

無註

謙

翕翕鞀鞀稍墮崩顛滅其令名長沒
不全

翕音吸鞀音田

豫

東鄰嫁女爲王妃后莊公築館以尊
王母歸于京師季姜悅喜

春秋魯莊公元年王姬下嫁於齊

命同姓諸侯主之魯以姬姓故築館而迎之冬王姬歸于齊桓公九年春紀季姜歸于京師爲桓王后

隨

伯虎仲熊德義淵闕使布五穀陰陽順敘

按史高辛氏之子有曰伯虎仲熊舜舉八愷使主后土爲伯益之佐

盥

敏捷敬疾如猿升木彤弓雖調終不能獲

無註

臨

舉被覆目不見日月衣裘蕈床就長夜室

按史記越伐吳吳三戰三北夫差

上姑蘇亦請成於越范蠡不可夫
差曰吾無以見子胥爲幘冒乃死

觀

忍醜少羞無面有頭虛日以弊消寡
耗減

未詳

噬嗑

涸陰沍寒常冰不溫凌人隋土怠電大

爲菑

凌人冰人也按詩傳蘇氏曰古有
藏冰發冰以節陽氣之盛是以無
灾霜雹也

賁

夏麥疔麩霜擊其芒疾君敗國使民
天傷

無註

剥

淵涸龍憂箕子爲奴
午叔殞命殷破
其家

箕子紂親戚諫紂不聽
佯狂爲奴
午叔當作干叔
紂之諸父比干也
直言諫紂
紂怒殺之
剗視其心

復

跛躄相隨日暮牛罷
陵遲後旅失利

亡雌

無註

无妄

桑之將落隕其黃葉失勢傾側如無所立

詩氓篇云桑之落矣其黃而隕又云女也不爽士貳其行

大畜

生長以時長育根本陰陽和德歲樂
無憂

無註

頤

童女無夫未有匹配陰陽不和空坐
獨宿

無註

大過

春令原宥仁德不合三聖攸同周國
茂興

三聖大王王季文王也

坎

金精耀怒帶劍過午兩虎相距雖驚
无咎

無註

離

危坐至暮請求不得膏澤不降政戾
民忒

無註

咸

老楊日衰條多枯枝爵級不進日下

摧隤

無註

恒

蔡侯適楚留連江濱踰時歷月思其君后

魯定公三年冬蔡昭侯適楚獻佩裘於昭王昭王服之以享蔡侯蔡侯亦服其一子常欲之弗與三年止之

遜

右撫劔頭左受鈎帶凶訟不止相與

争戾失利市肆

無註

大壯

水流趨下遠至東海求我所有買鮪

與鯉

無註

晉

登几上輿駕馬南遊合從散衡燕秦

以強

蘇秦主從張儀主衡秦事燕儀事
秦按禮部韻毛居正曰以六攻一
為從以一離六為橫合之曰從衡

明夷

求兔得獐過其所望懼以相迎高位
夷傷

無註

家人

過時不歸道遠且迷旅人心悲使我
徘徊

無註

睽

魂孤無室銜指含食盜張民饋見敵
失肉

無註

蹇

居如轉丸危不得安東西不寧動生

憂患

無註

解

坤厚地德庶物蕃息平康正直以綏

大福

易曰地勢坤君子以厚德載物

損

扞蔽牡荆生賢山旁仇敵背憎孰肯
相迎

無註

益

鳳凰銜書賜我玄珪封為晉侯

成王與叔虞戲削桐葉為珪以與
叔虞曰以此封若史佚曰天子無

戲言請擇日成之遂封叔虞於唐
唐叔子燮改唐爲晉

夬

作凶不善相牽入井溺陷辜罪禍至
憂有

無註

姤

悲鳴北行失其長兄伯仲不幸骸骨

散亡

無註

萃

羔衣豹裘高易我家君子惟好

詩羔裘篇云羔裘豹飾孔武且力

升

日中爲市各抱所有交易資貨負貪珠
懷寶心悅懽喜

周易繫辭云日中爲市致天下之
民聚天下之貨交易而退

困

振急絕理常陽不雨物病焦乾華實
無有

無註

井

狐貉載剥徙溫厚蓐寒棘爲疾有所

不足

無註

革

履踐危難脫執去患入福喜門見誨

大君

無註

鼎

四亂不安東西爲患退止我足毋出

國城乃得全完賴其生福

無註

震

南國少子才略美好求我長女賤薄
不與反得醜惡後乃大悔

無註

艮

妄怒失理陽孤無輔物病焦枯年飢

於黍

無註

漸

倬然遠咎避患害早田獲三狐見民
爲寶

周易解九二田獲三狐狐者邪媚
之獸三狐指卦之三陰時之小人
也獲如能變化除去之如田之獲

狐也

歸妹

逐鹿山顛利去我西維邪南北無所
不得

無註

豐

龍蛇所聚大水來處滑滑涉涉使我
無賴

無註

旅

從風吹火牽騏驥尾易爲功力因催

受福

無註

巽

澤狗水見難畜少雛不爲家饒心其

函憂

未詳

允

水壞我里東流爲海龜鳧謹囁不覩
慈母

無註

渙

寒衣涉行水深漬多賴幸舟子濟脫
無他

無註

節

龜厭河海陸行不止自今枯槁失其
都市憂悔爲咎亦無及已

無註

中孚

同本異業樂仁政德東鄰慕義來興
我國

無註

小過

桃李花實累累日息長大成熟甘美
可食為我利福

無註

既濟

重瞳四乳聰明順理無隱不形微視
千里災害不作君子集聚

淮南子云舜目重瞳文王四乳

未濟

實沈參墟以義討尤次止結盟以成

霸功

實沈參神參虛晉地也

☰☷
坤下
乾上
否

秦為虎狼與晉爭強併吞其國號曰
始皇

秦號爲虎狼之國并六國號始皇
之乾

天之奧府衆利所聚可以饒有樂我
君子

無註

坤

天之所蓄凶不可居轉徙獲福留止
危憂

無註

屯

名成德就項領不試景公耄老尼父
逝去

論語齊景公欲用孔子孔子曰吾
老矣不能用也孔子行

蒙

特善避患福祿長存雖有豺虎不能

危患

無註

需

避患東西反入禍門糟糠不屬憂動

我心

無註

訟

珪璧琮璋執贄見王百里甯越應聘

齊秦

百里奚事秦甯越事齊

師

揚水潛鑿使君潔白衣素朱表遊戲
臯浚得君所願心志娛樂

詩揚之水刺晉昭公也昭公分國
以封沃曰揚之水白石鑿鑿素衣
朱褫從子于沃既見君子云胡不

樂浚當作沃

比

官爵相保居之无咎求兔不得怕使

恨悔

無註

小畜

戴元無禪羸程出門小兒作笑君爲
憂患

未詳

履

把珠入口爲我利寶得吾所有欣然

嘉喜

無註

泰

行不如還直不如屈進不若退可以

安吉

無註

同人

衆鬼凡聚還生大怪九身無頭魄驚
魄去不可以居

未詳

大有

家給人足訟聲並作四夷賓服干戈
囊閣

謙

此言武成偃干戈振兵釋旅之事

人面鬼口長舌爲斧斲破瑚璉殷商
絕祀

商紂無道微子抱祭器奔周其後
武王伐紂遂滅商焉

豫

南山之峻真人所在德配唐虞天命

爲子保祐飲享身受大慶

唐虞堯舜有天下之號也

隨

春桃生花季女宜家受福多年男爲
邦君

詩桃夭后妃之所致也桃之夭夭
灼灼其華之子于歸宜其室家

蠱

鷓鴣破斧冲人危殆賴其忠德轉禍
爲福傾危復立

鷓鴣破斧皆詩豳風篇名言周公
之事誅管蔡以安周室

臨

猿墮高木不踈手足保我金玉還歸
其室

無註

觀

天之奧隅堯舜所居可以存身保我
邦家

堯舜唐虞二帝也

啞啞

伯蹇叔盲足病難行終日至暮不離
其鄉

無註

賁

日月相望光明盛昌三聖茂功仁德
大隆

三聖堯舜禹也

剥

桃李花實累累日息長大成就甘美
可食

無註

復

入和出明動作有光運轉休息動作

尤康

無註

无妄

陰冥老極陽建其德履離載光天下
昭明功業不長蝦蟇代王

冥一作衰見坤之未濟未詳

大畜

行役未已新事復起姬姜勞苦不得
休息

詩陟岵篇云父曰嗟予子行役夙
夜无已上慎旃哉猶来无止

頤

狐鳴苑北飢無所食困於空丘莫與
同力

無註

大過

雄聖伏名人匿麟遠走鳳飛北擾亂

未息

無註

坎

病貧望幸使伯行販開牢擇羊多得

大牂

無註

离

翕翕軸軸稍稍崩顛滅其令名長没
不存

翕音吸軸音田

咸

花落實稿衣弊如絡女功不成絲布
如玉

無註

恒

溫山松栢常茂不落鸞鳳所止得以

歡樂

無註

遯

失恃母友嘉偶出走獲如失兔僮如

虐狗

虐作喪孔子去魯僂若喪家之狗

大壯

太一駕騶從天上求徵我叔季封爲
魯侯

太乙星名成王封周公之子伯禽
於魯

晉

雙鳧俱飛欲歸稻池經涉萑澤爲矢

所射傷我肯臆

無註

明夷

深坑復平天下安寧
意娛心樂賴福

長生

無註

家人

俱爲天民雲過吾西風
伯雨師與我

無恩

無註

睽

野鳥山鵲來集六博三鳥四散主人

勝客

六博古者象棋有六博

蹇

北陰司寒堅冰不溫凌人情怠大雹

爲灾

凌人冰人也按詩傳蘇氏曰古有
藏冰發冰以節陽氣之盛是以無
灾霜雹也

解

伊尹智士去桀耕野執順以傳反和
无咎

伊尹耕于有莘之野湯三使往聘

之使五就桀桀不能用復歸于湯
遂相湯伐桀

損

北風牽手相從笑語伯歌季舞讌樂
以喜

詩北風篇云北風其涼雨雪其雱
惠而好我攜手同行

益

從巢去家南過白馬東西受福與母
相得

無註

夾

鳥飛跌跛兩兩相和不病四支但去
莫疑

無註

姤

三馬生駒以戌爲毋荆夷上侵姬伯
出走

三年一作二牛見需之訟一作三
年生狗見坤之震

萃

破筐弊筥棄捐於道壞落穿敗不復
爲寶

無註

升

結紐得解憂不爲禍食利供家受福

安坐

無註

困

白日陽光雷車避藏雲雨不行各自

止鄉

無註

井

杜口結舌心中怫鬱凶火生患無所
告寃

無註

革

齋貝贖狸不聽我辭繫於虎髯牽不
得來

無註

鼎

持鶴抱子見蛇何咎室家俱在不失
其所

無註

震

逐兔山西利走入門賴我仁德獲爲
我福

無註

良

興役不休與民爭時牛生五趾行危
爲憂

無註

漸

春粟夏梨少鮮希有斗千石萬貫不

可販

無註

歸妹

悲號北行失其長兄伯仲不幸骸骨
散亡

無註

豐

賦歛重數政爲民賊杼軸空盡家去
其室

詩大東篇云小東大東杼軸其空

旅

履服白縞殃咎並到憂不敢笑

無註

巽

杜口結舌言爲禍毋代伯受患無所
禱寃

無註

兌

免冠進賢步行出朝門體不正賊孽
為患

漢書貢禹為河南令以賊事為府
官見責免冠謝輿服志進賢古緇
布冠文儒者之服

渙

娶於姜女駕迎新婦少齊在門夫子
悅喜

按春秋昭公二年夏四月韓須如
齊逆女齊陳無宇送女致少姜少
姜有寵於晉侯晉侯謂之少齊姜
齊姓

節

牧羊稻園聞虎喧嘩思恐悚息終無
禍患

無註

中孚

老妾据機緯絕不知女功不成冬寒

無衣

無註

小過

乘龍吐光使陰復明燎獵載聖六師

以昌

無註

既濟

東鄰嫁女爲王妃后莊公築館以尊
王母歸于京師季姜悅喜

春秋魯莊公元年王姬下嫁於齊
命同姓諸侯主之魯以姬姓故築
館而迎之冬王姬歸于齊桓公九
年春紀季姜歸于京師爲桓王后

未濟

灌鵠東從道頓跌跣日食不退病爲
身禍

無註

易林卷第三